



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka (“Službeni glasnik BiH” broj 95/12), člana 25. Pravilnika o godišnjim finansijskim izvještajima političkih stranaka (“Službeni glasnik BiH” broj 96/13), a u skladu sa članom 12. Pravilnika o administrativnim procedurama pregleda, kontrole i revizije finansijskih izvještaja političkih stranaka (“Službeni glasnik BiH”, broj: 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2012. GODINU SOCIJALDEMOKRATSKE UNIJE BOSNE I HERCEGOVINE

Broj: 03-07-6-679/13
Sarajevo, 03.06.2014. godine

SADRŽAJ

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA.....	5
Predmet pregleda i kontrole	5
Cilj pregleda i kontrole	5
Obim pregleda i kontrole	5
4. PRETHODNE KONTROLE I REVIZIJE	5
5. NALAZI I PREPORUKE REVIZIJE	6
5.1. NALAZI REVIZIJE	6
5.2. PREPORUKE.....	9

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Socijaldemokratske unije Bosne i Hercegovine za 2012. godinu i finansijskog izvještaja za period od dana podnošenja prijave za izbore do dana ovjere rezultata Lokalnih izbora, održanih u oktobru 2012. godine.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka ("Službeni glasnik BiH" broj: 22/00, 102/09 i 54/10), koji je bio na snazi do 04.12.2012. godine, Zakona o finansiranju političkih stranaka ("Službeni glasnik BiH" broj: 95/12), koji je na snazi od 05.12.2012. godine i odredbama poglavlja 15 Izbornog zakona BiH, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Pregledom godišnjeg finansijskog izvještaja za 2012. godinu, utvrđeno je da je Socijaldemokratska unija Bosne i Hercegovine prekršila odredbe člana 8. stav (1), člana 11. stav (1), stav (2) i stav (3) Zakona o finansiranju političkih stranaka, koji je bio na snazi do 04.12.2012. godine i odredbe člana 15. 1 stav (1) Izbornog zakona Bosne i Hercegovine.

Pregledom, odnosno kontrolom finansijskih izvještaja, nismo zapazili ništa značajno, osim gornje napomene, što bi ukazalo na finansiranje ove političke stranke suprotno odredbama Zakona o finansiranju političkih stranaka, niti na finansiranje troškova izborne kampanje suprotno odredbama člana 15.10 Izbornog zakona Bosne i Hercegovine.

1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja Socijaldemokratske unije Bosne i Hercegovine za 2012. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Lokalnih izbora, održanih u oktobru 2012. godine.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka ("Službeni glasnik BiH" broj: 96/13) i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka ("Službeni glasnik BiH" broj: 103/08).

Zbog činjenice da nije obavljena revizija u prostorijama političke stranke, postoji velika mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Socijaldemokratska unija Bosne i Hercegovine je ostvarila ukupne prihode u iznosu od 253.446,21 KM¹, što je prikazano u narednoj tabeli:

Red. br.	Vrsta prihoda	Iznos u KM	Učešće u uk. prihodu %
1	Članarina	0,00	0,00%
2	Prilozi fizičkih lica	14.482,60	5,72%
3	Prilozi pravnih lica	1.700,00	0,67%
4	Prihodi od imovine	0,00	0,00%
5	Prihodi od pr.lica	0,00	0,00%
6	Prihodi od poklona	0,00	0,00%
7	Prihodi iz budžeta	237.263,61	93,61%
	Ukupni prihodi:	253.446,21	100,00%

U godišnjem finansijskom izvještaju Socijaldemokratska unija Bosne i Hercegovine je iskazala ukupne rashode u iznosu od 267.027,93 KM.

2. PREDSTAVLJANJE POLITIČKE STRANKE

Naziv političke stranke: Socijaldemokratska unija Bosne i Hercegovine. Skraćeni naziv stranke SDU BiH.

Socijaldemokratska unija Bosne i Hercegovine registrovana je kod Kantonalnog suda u Sarajevu rješenjem broj: R-I-9/02 od 20.12.2002. godine. Dana 20.05.2008. godine upisana je promjena lica za zastupanje i predstavljanje Socijaldemokratske unije Bosne i Hercegovine.

Sjedište političke stranke je u Sarajevu, ulica Soukbunar br.7.

Lica ovlaštena za zastupanje stranke su Nermin Pećanac, predsjednik stranke, Miro Lazović, podpredsjednik, Ivo Komšić, podpredsjednik, Emdžad Galijašević, podpredsjednik i Slavko Dragičević, podpredsjednik.

Lice ovlašteno za podnošenje finansijskih izvještaja za 2012. godinu je Ramiz Kadrić.

¹ Podaci iz ispravljenog obrasca 3 (ukupni prihodi političke stranke) godišnjeg finansijskog izvještaja, koji je dostavljen dana 11.10.2013. godine.

Prema podacima iz godišnjeg finansijskog izvještaja za 2012. godinu, organizacionu strukturu Socijaldemokratske unije Bosne i Hercegovine čine:

- Centrala SDU BiH Sarajevo,
- 4 kantonalna odbora SDU BiH, i
- 27 općinska odbora SDU BiH.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Socijaldemokratske unije Bosne i Hercegovine za 2012. godinu i finansijski izvještaj za period od dana podnošenja prijave za izbore do dana ovjere rezultata Lokalnih izbora, održanih u oktobru 2012. godine.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka i odredbama poglavlja 15 Izbornog zakona BiH. Ukoliko revizor na bazi kontrole finansijskog izvještaja utvrdi određena kršenja navedenih zakona, ocjenjuje da li je potrebno izvršiti reviziju u prostorijama stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka, te da li je ostvarila troškove izborne kampanje u okviru zakonom utvrđenog limita.

Obim pregleda i kontrole finansijskih izvještaja Socijaldemokratske unije Bosne i Hercegovine obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava, sa posebnim naglaskom na priloge fizičkih lica, prihode iz budžeta, kao i troškove izborne kampanje.

4. PRETHODNE KONTROLE I REVIZIJE

Služba za reviziju je obavila reviziju i pregled finansijskih izvještaja Socijaldemokratske unije Bosne i Hercegovine za period od 2005. do 2011. godine, nakon čega su izdati izvještaji o reviziji, odnosno izvještaji o pregledu sa mišljenjem revizora, nalazima revizije i preporukama.

Nakon izvršene revizije za 2011. godinu, Služba za reviziju je izdala Izvještaj o reviziji godišnjeg finansijskog izvještaja Socijaldemokratske unije Bosne i Hercegovine sa mišljenjem revizora, nalazima revizije i preporukama da stranka treba postupati u skladu sa odredbama člana 8. stav (1) i člana 11. stav (1) i stav (3) Zakona o finansiranju političkih stranaka.

Nerealizovane preporuke:

Na osnovu uočenih nedostataka u godišnjem finansijskom izvještaju za 2012. godinu, utvrđeno je da Socijaldemokratska unija Bosne i Hercegovine nije ispoštovala preporuke iz Izvještaja o reviziji godišnjeg izvještaja za 2011. godinu, odnosno i dalje se finansira iz zabranjenih priloga, ne vodi pravilne evidencije o prihodima i rashodima i finansijske izvještaje popunjava suprotno Pravilniku o godišnjim finansijskim izvještajima političkih stranaka.

5. NALAZI I PREPORUKE REVIZIJE

5.1. NALAZI REVIZIJE

a) **Socijaldemokratska unija Bosne i Hercegovine prekršila je odredbe člana 8. stav (1) Zakona o finansiranju političkih stranaka, koji je bio na snazi do 04.12.2012. godine.**

Služba za reviziju je utvrdila da su organizacioni dijelovi Socijaldemokratske unije Bosne i Hercegovine Bosanska Krupa, Ilijaš i Ilidža koristili poslovne prostorije u vlasništvu općinskih organa uprave bez naknade ili po povoljnijim uslovima u periodu 01.01.-30.11.2012. godine, čime su prekršene odredbe člana 8. stav (1) Zakona o finansiranju političkih stranaka.

- Na osnovu akta Službe za finansije, budžet i računovodstvo Općine Bosanska Krupa, broj: 08-14-2063-1/13 od 24.04.2013. godine, utvrđeno je da je SDU BiH koristila poslovni prostor u vlasništvu Općine Bosanska Krupa bez naknade. Korištenjem prostora u vlasništvu općine bez naknade, stranka je postupila suprotno odredbama člana 8. stav (1) Zakona o finansiranju političkih stranaka.
- Na osnovu akta Općine Ilijaš broj: 04/1-14-857/13 od 03.05.2013. godine utvrđeno je da je SDU BiH na osnovu Ugovora o zakupu poslovnih prostorija, broj: 06-23-2536/03 od 24.10.2003. godine, koristila bez naknade prostorije Općine Ilijaš ukupne površine 19 m². Prema odluci o načinu i visini plaćanja zakupnine poslovnih prostora na području Općine Ilijaš broj: 01-I-02-189/00 od 17.02.2000. godine ("Službene novine Kantona Sarajevo" broj 2/00), najniži iznos zakupnine u II zoni Općine Ilijaš iznosi 8,00 KM/m². Na bazi navedene odluke, utvrđeno je da je SDU BiH usljed neplaćanja zakupnine za jedanaest mjeseci 2012. godine ostvarila prihod u iznosu od 1.672,00 KM.
- Općinski odbor SDU BiH Ilidža je na osnovu Odluke Općine Ilidža o dodijeli u zakup poslovnih prostora broj: 01-02-1528/09-7 od 09.09.2009. godine, koristio poslovni prostor površine 13,00 m², po cijeni koja je ugovorena u iznosu od 2,00 KM po m² odnosno 10% od početne cijene zakupa po m² koja iznosi 20,00 KM za ekstra zonu u kojoj se nalazi navedeni poslovni prostor.² Korištenjem poslovnog prostora u periodu od januara do novembra 2012. godine,³ po cijeni koja je ispod početne, SDU BiH je primila prilog od Općine Ilidža u iznosu od 2.707,20 KM.

b) **Socijaldemokratska unija Bosne i Hercegovine prekršila je odredbe člana 11. stav (1) i stav (3) Zakona o finansiranju političkih stranaka, koji je bio na snazi do 04.12.2012. godine.**

Na osnovu obavljenog pregleda godišnjeg finansijskog izvještaja za 2012. godinu, utvrđeno je da Socijaldemokratska unija Bosne i Hercegovine nije vodila potpune i tačne evidencije o svojim prihodima i rashodima i da obrasce godišnjeg finansijskog izvještaja nije popunila u skladu sa odredbama tada važećeg Pravilnika o godišnjim finansijskim izvještajima političkih stranaka („Službeni glasnik BiH“ broj 61/06)- u daljem tekstu:

² Akt Općine Ilidža broj: 05-31-SL/13 od 30.04.2013. godine.

³ OO SDU BiH Ilidža je 24.10.2012. godine sklopio Ugovor o zakupu poslovnih prostorija br. 05-23-585/3-08 sa Općinom Ilidža za prostor površine 16,70 m² mjesečni zakup 10% od početne cijene 20,00 KM za extra zonu, što mjesečno zakupnina iznosi 33,40 KM. Zakup po ovom ugovoru teče od 01.10.2012.godine.

Pravilnik, čime su prekršene odredbe člana 11. stav (1) i stav (3) Zakona o finansiranju političkih stranaka, koji je bio na snazi do 04.12.2012. godine.

- (1) Služba za reviziju je utvrdila da je SDU BiH nepravilno evidentirala prihode u poslovnim knjigama i nije pravilno iskazala podatke o prihodima iz budžeta u obrascima 3-f (prihodi iz budžeta) i 3 (ukupni prihodi političke stranke) godišnjeg finansijskog izvještaja, čime je prekršila odredbe člana 19. i člana 13. Pravilnika.

Centrala Socijaldemokratske unije Bosne i Hercegovine je u obrascu 3-f iskazala prihode iz budžeta Federacije BiH u iznosu od 154.646,41 KM.

Uvidom u izvode sa transakcionog računa u Raiffeisen banci⁴ i knjigovodstvene evidencije, utvrđeno je da je Centrala Socijaldemokratske unije BiH ostvarila prihode iz budžeta Federacije BiH u iznosu 100.598,22 KM, Kantona Sarajevo u iznosu od 41.992,74 KM, te sredstva za predizbornu kampanju iz budžeta Grada Banja Luka u iznosu od 1.255,45 KM⁵.

U skladu sa odredbom člana 19. stav (2) Pravilnika, stranka je obavezna pored organizacionog dijela stranke navesti nivoe vlasti od kojih je ostvarila prihod.

Pregledom je, takođe, utvrđeno da je Centrala SDU BiH u okviru prihoda iz budžeta iskazala i uplatu na ime pozajmice OO SDU BIH Hadžići u iznosu od 5.000,00 KM⁶ i uplatu nižeg organizacionog dijela stranke za taksu za izbore u iznosu od 200,00 KM⁷, što je suprotno odredbi člana 13. stav (5) Pravilnika.

Socijaldemokratska unija Bosne i Hercegovine je u obrascu 3-f kao prihode iz budžeta iskazala povrat sredstava po osnovu takse za ovjeru političke stranke na Lokalnim izborima 2012. godine u iznosu od 5.400,00 KM, što je suprotno odredbama člana 19. i člana 13. Pravilnika.

Kontrolom poslovnih knjiga, utvrđeno je da je SDU BiH kao prihode iz budžeta iskazala i donaciju fizičkog lica u iznosu od 200,00 KM, koja je uplaćena dana 24.05.2012. godine, što je suprotno odredbi člana 14. i člana 19. Pravilnika.

Na osnovu navedenog, Služba za reviziju je utvrdila da je Centrala stranke iz budžeta Federacije BiH, Kantona Sarajevo i Grada Banja Luka ostvarila prihode u ukupnom iznosu od 143.846,41 KM, što je trebala iskazati u poslovnim knjigama i godišnjem finansijskom izvještaju.

- (2) Pregledom i kontrolom finansijskog izvještaja i finansijske dokumentacije, utvrđeno je da Socijaldemokratska unija Bosne i Hercegovine nije vodila tačne i potpune evidencije o rashodima u poslovnim knjigama, kao i da rashode nije evidentirala u momentu nastanka obaveze, već u momentu plaćanja, što za rezultat ima pogrešno iskazane rashode i obaveze na dan 31.12.2012. godine. Takođe je utvrđeno da Socijaldemokratska unija Bosne i Hercegovine obrasce 4 (ukupni rashodi stranke) i obrazac 4-1 (režijsko-administrativni i ostali troškovi) nije popunila u skladu sa odredbama člana 20. i člana 21. Pravilnika.

⁴ Izvodi Raiffeisen banke , TRN broj: 16100000460080.

⁵ Izvod br. 84 Raiffeisen banke TRN broj: 16100000460080.

⁶ Izvod br. 10 Raiffeisen banke TRN broj: 16100000460080.

⁷ Izvod br. 129 Raiffeisen banke TRN broj: 16100000460080.

- Služba za reviziju je utvrdila da je Centrala SDU BiH u 2012. godini isplatila naknade za devet (9) fizičkih lica u ukupnom iznosu od 63.401,50 KM, koje je u obrascu 4-1 godišnjeg finansijskog izvještaja i poslovnim knjigama iskazala kao "Izdatke po odluci".

Uvidom u finansijsku dokumentaciju, utvrđeno je da su sredstva u ukupnom iznosu od 46.182,00 KM isplaćena na osnovu odluke vijećniku stranke⁸, kao i da je izvršena isplata naknada za osam fizičkih lica u iznosu od 17.219,50 KM, za koje stranka nije dostavila odluke o isplati naknada.

Pregledom i kontrolom finansijske dokumentacije je utvrđeno da stranka nije u skladu sa poreskim propisima obračunala i isplatila poreze i pripadajuće doprinose na naknade isplaćene fizičkim licima.

Obzirom da Centrala SDU BiH nije u skladu sa poreskim propisima obračunala i uplatila porez na dohodak i pripadajuće doprinose na isplaćena sredstva, u poslovnim knjigama i finansijskom izvještaju troškovi i obaveze po ovom osnovu nisu ni iskazani.

- U skladu sa odredbama iz Ugovora o zakupu poslovnog prostora⁹ koji je koristio Općinski odbor SDU BiH Bihać, zakup za poslovne prostorije je iznosio mjesečno 30,62 KM, odnosno za period zakupa 275,58 KM. Uvidom u obrazac 4-1 (režijsko-administrativni i ostali troškovi) utvrđeno je da je OO SDU BiH Bihać troškove zakupa iskazao u iznosu od 61,24 KM, odnosno za 214,34 KM manje od odnosu na ostvarene.
- Centrala SDU BiH je suprotno odredbi člana 20. stav (4) Pravilnika u obrascu 4-1 (režijsko-administrativni i ostali troškovi) iskazala interni prenos sredstava kantonalnim i općinskim odborima na ime pomoći u iznosu 2.350,00 KM. Obzirom da je Centrala SDU BiH interni prenos sredstava koji je izvršila na transakcione račune nižih organizacionih dijelova dijelove stranke, iskazala kao rashode, tako su i ukupni rashodi stranke iskazani u većem iznosu za 2.350,00 KM, što je suprotno odredbama člana 20. Pravilnika.
- Takođe je utvrđeno da je stranka u obrascima rashoda 4 (ukupni rashodi političke stranke) i 4-2 (troškovi propagande) iskazala troškove po osnovu takse za učešće na Lokalnim izborima 2012. godine u iznosu od 8.800,00 KM, čime su prekršene odredbe člana 20., člana 21. i člana 22. Pravilnika. SDU BiH je u svrhu prijave za učešće na Lokalnim izborima 2012. godine uplatila taksu u iznosu od 8.800,00 KM. Obzirom da su joj tokom godine, a nakon ovjere rezultata izbora, vraćena sredstva u iznosu od 5.400,00 KM, stranka je po osnovu takse ostvarila troškove u iznosu od 3.400,00 KM, a ne u iznosu od 8.800,00 KM.

c) Socijaldemokratska unija Bosne i Hercegovine prekršila je odredbe člana 11. stav (2) Zakona o finansiranju političkih stranaka, koji je bio na snazi do 04.12.2012. godine i člana 15. 1 stav (1) Izbornog zakona Bosne i Hercegovine.

Služba za reviziju je utvrdila da je Socijaldemokratska unija Bosne i Hercegovine postizborni finansijski izvještaj dostavila nakon zakonom propisanog roka, čime je

⁸ Odluka SDU BIH broj: 29/11 od 29.09.2011.godine o raspodjeli budžetskih sredstava između stranke i Mire Jurić.

⁹ Ugovor o zakupu poslovnih prostorija između OO SDU BIH i Općine Bihać broj: 05/1-23-7-2260/13 od 17.09.2013.godine. Mjesečni zakup 30,62 KM, zakup vrijedi za period 03.04.2012.-03.04.2013.godine.

prekršila odredbe člana 15.1 stav (1) Izbornog zakona Bosne i Hercegovine i člana 11. stav (2) Zakona o finansiranju političkih stranaka, koji je bio na snazi do 04.12.2012. godine.

Uvidom u službene evidencije utvrđeno je da je Socijaldemokratska unija Bosne i Hercegovine postizborni finansijski izvještaj dostavila dana 08.02.2013. godine. U skladu sa odredbom člana 15.1 stav (1) Izbornog zakona BiH, krajnji rok za dostavu postizbornog izvještaja za Lokalne izbore 2012. godine je bio 07. decembar 2012. godine.¹⁰

Troškovi izborne kampanje

Socijaldemokratska unija Bosne i Hercegovine iskazala je troškove izborne kampanje za Lokalne izbore 2012. godine u iznosu od 99.669,14 KM.

Prema odredbama člana 15.10 Izbornog zakona BiH politička stranka za potrebe izborne kampanje ne smije potrošiti više od 0,30 odnosno 0,20 KM¹¹ po biraču u svakom izbornom krugu, prema broju birača koje je objavila Centralna izborna komisija BiH. Prema podacima Centralne izborne komisije BiH, Socijaldemokratska unija Bosne i Hercegovine je u svrhu izborne kampanje mogla da potroši 479.759,55 KM.

5.2. PREPORUKE

Preporučuje se Socijaldemokratskoj uniji Bosne i Hercegovine da se pridržava odredaba Zakona o finansiranju političkih stranaka i odredaba poglavlja 15. Izbornog zakona BiH, a posebno na osnovu uočenih nedostataka se preporučuje:

- *da ne prima priloge koji su zakonom zabranjeni,*
- *da vodi tačne evidencije o svojim prihodima i rashodima, i*
- *da obrasce finansijskih izvještaja dostavlja u zakonom propisanom roku i popunjava u skladu sa odredbama Pravilnika o godišnjim finansijskim izvještajima.*

Takođe, preporučuje se stranci:

- *da prihode i rashode priznaje u momentu njihovog nastanka, a ne u momentu naplate ili plaćanja.*

¹⁰ Odredbom člana 15.1 stav (1) Izbornog zakona Bosne i Hercegovine propisano je da su političke stranke koji su učestvovali na izborima za organe vlasti Bosne i Hercegovine na svim nivoima, dužni su u roku trideset dana od dana objavljivanja izbornih rezultata u Službenom glasniku BiH, podnijeti i finansijski izvještaj za period od dana podnošenja prijave za ovjeru za izbore do dana ovjere rezultata izbora. Odluka o potvrđivanju u objavljivanju rezultata Lokalnih izbora u Bosni i Hercegovini za 2012. godinu u "Službenom glasnik BiH" broj: 88 od 06.11.2012. godine.

¹¹ Član 15.10 stav (2) propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika opštine odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednike RS, odnosno 20 feninga za izbore za članove kantonalnih skupština.

KOMENTAR

U ostavljenom roku, Socijaldemokratska unija Bosne i Hercegovine nije se očitovala na nalaze revizije i mišljenje revizora dato u Preliminarnom izvještaju o pregledu godišnjeg finansijskog izvještaja za 2012. godinu, koji je dostavljen stranci 09.05.2014. godine.

šef Odsjeka za reviziju

Sanja Tošović

šef Službe za reviziju

Mr.sc. Hasida Gušić

Revizor

Nevenko Andan